

Mohd Amirul Kasyful Nur bin Zulkifli

From: Unit Komunikasi Korporat
Sent: 09 April 2017 16:00
To: UUM - All Staff; UUM - All Students
Subject: Transformasi Dalam Kewangan Islam Berasaskan Syariah Diperlukan Untuk Terus Diterima Pakai



Unit Komunikasi Korporat
CORPORATE COMMUNICATION UNIT
Universiti Utara Malaysia



9 APRIL 2017 / 12 REJAB 1438H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Abdul Halim Husain

**TRANSFORMASI DALAM KEWANGAN ISLAM BERASASKAN SYARIAH DIPERLUKAN
UNTUK TERUS DITERIMA PAKAI**



UUM ONLINE: Pengerusi Kumpulan Amanie dan juga Pengerusi Majlis Penasihat Syariah, Bank Negara Malaysia (BNM), Datuk Dr Mohd Daud Bakar telah berkongsi idea dan pandangan beliau tentang transformasi dalam Kewangan Islam menerusi syarahannya bertajuk '*Transformation of Islamic Finance via Shariah Mindset*' pada Syarahan Prof Adjung anjuran Pusat Pengajian Perniagaan Islam (IBS) di Dewan Seminar, Pusat Islam, pagi tadi.

Menurutnya, pelajar sekarang adalah pemimpin pada masa hadapan yang akan membawa perubahan atau transformasi khususnya dalam bidang kewangan dan mereka harus memastikan syariah diterima pakai dan mengikut perkembangan semasa pada abad ke-21.

"Kita sudah melihat bidang kewangan ini dari pelbagai aspek bermula dari peringkat bawah lagi sejak sekian lama, kini kita perlu mengubah pandangan tersebut dengan melihatnya dari bahagian atas yang membolehkan kita melihat dengan lebih jelas dan menyeluruh.

"Apabila menyentuh tentang transformasi, ada segelintir yang tidak boleh menerimanya, malah masing-masing menunding jari di atas kesalahan yang berlaku. Sepatutnya transformasi diambil pada sudut positif kerana ia mengubah sesuatu untuk menjadi lebih mudah termasuk dalam bidang Kewangan Islam," katanya.

Dalam syarahan tersebut, beliau turut memberi penerangan tentang kepentingan syariah, kesan dan implikasinya dalam usaha mencapai matlamat tertinggi sistem kewangan berasaskan syariah sebagai sistem alternatif yang dapat memenuhi keperluan.

Hadir sama Dekan IBS, Prof Madya Dr Asmadi Mohamed Naim dan pegawai-pegawai kanan UUM.

Pada sebelah petang, diadakan Symposium Of Islamic Finance: The Future Talent In Islamic Banking And Finance di Pusat Islam dan ceramah 'This My Journey' di Pusat Pengajian Perakaunan Tunku Puteri Intan Safinaz (TISSA).

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.